

Broj: 05-688-12/23
Sarajevo, 05.06.2023. godine

Na osnovu člana 23. stav (1) tačka d) Zakona o Agenciji za bankarstvo Federacije BiH („Službene novine Federacije BiH“, broj: 75/17), člana 16. stav (1) tačka j) Statuta Agencije za bankarstvo Federacije BiH („Službene novine Federacije BiH“, broj: 3/18), člana 68. stav (1) i člana 72. stav (3) tačke a) i c) Zakona o javnim nabavkama („Službeni glasnik BiH“, broj: 39/14 i 59/22) direktor Agencije za bankarstvo Federacije BiH donosi

ODLUKU

o dodjeli ugovora sljedećem ponuđaču sa rang-liste (Lot 1)

Član 1.

- (1) Ugovor u otvorenom postupku javne nabavke usluga spremanja radnog prostora - čišćenje poslovnih prostorija Agencije za bankarstvo Federacije BiH u Sarajevu, dodjeljuje se sljedećem ponuđaču sa rang-liste uspješnih ponuđača za Lot 1 i to ponuđaču „Eurosan“ d.o.o. Mostar, na iznos od 75.000,00 KM, bez uračunatog PDV-a.
- (2) Ponuđač „Eurosan“ d.o.o. Mostar je dužan u roku od 5 (pet) dana od dana dostave ove Odluke dostaviti dokaze o ispunjavanju uslova iz članova 45. i 47. Zakona o javnim nabavkama, u skladu sa zahtjevima iz tenderske dokumentacije.

Član 2.

Stavlja se van snage Odluka o dodjeli ugovora ponuđaču čija je ponuda po rang-listi odmah nakon ponude najuspješnijeg ponuđača (Lot 1), br. 05-688-10/23 od 29.05.2023. godine, kojom je ugovor u postupku nabavke usluga dodijeljen ponuđaču „Eurosan“ d.o.o. Banja Luka.

Član 3.

Po dostavljanju dokaza iz člana 1., stav (2) ove Odluke, ugovorni organ će sa izabranim ponuđačem na osnovu člana 72. stav (3) tačka a) Zakona o javnim nabavkama zaključiti ugovor, kojim će regulisati međusobna prava i obaveze.

Član 4.

Ova Odluka bit će objavljena na internetskoj stranici Agencije za bankarstvo Federacije BiH (www.fba.ba), uz istovremeno upućivanjem iste ponuđačima koji su učestvovali u postupku javne nabavke.

Član 5.

Za izvršenje ove Odluke zadužuje se i ovlašćuje Sektor zajedničkih funkcija.

Član 6.

Ova Odluka stupa na snagu danom donošenja.

[Handwritten signature]

O B R A Z L O Ž E N J E

Ugovorni organ je proveo postupak javne nabavke usluga spremanja radnog prostora - čišćenje poslovnih prostorija Agencije za bankarstvo Federacije BiH putem otvorenog postupka, a kao kriterij za izbor najpovoljnije ponude odabrana je najniža cijena. U skladu sa članom 35. Zakona o javnim nabavkama, Obavještenje o nabavci broj: 3010-1-2-63-3-33/23 objavljeno je na Portalu javnih nabavki (www.ejn.gov.ba) dana 31.03.2023. godine i u „Službenom glasniku BiH“, broj: 24/23 dana 07.04.2023. godine.

Nakon provedenog postupka, Ugovorni organ je donio Odluku o izboru najpovoljnijeg ponuđača br. 05-688-6/23 od 03.05.2023. godine, koja sadrži rang-listu prihvatljivih ponuda sa cijenama ponuda bez PDV-a nakon provedene e-Aukcije.

Najuspješniji ponuđač u predmetnom postupku nabavke „Ecotime“ d.o.o. Sarajevo u ostavljenom roku nije dostavio dokaze o ispunjavanju uslova iz članova 45. i 47. Zakona kako je zahtijevano tenderskom dokumentacijom, te je Ugovorni organ Odluku o dodjeli ugovora ponuđaču čija je ponuda po rang-listi odmah nakon ponude prvog najuspješnijeg ponuđača, broj: 05-688-8/23 od 15.05.2023. godine, kojom je predmetni ugovor dodijelio ponuđaču „Samsic“ d.o.o. Sarajevo, a koji je također bio u obavezi da dostavi original ili ovjerene kopije dokaza o ispunjavanju uslova iz članova 45. i 47. Zakona, u skladu sa zahtjevima iz tenderske dokumentacije.

Tenderskom dokumentacijom je propisano da dokazi moraju biti fizički dostavljeni na protokol Ugovornog organa najkasnije peti dan po prijemu odluke o izboru, u radnom vremenu Ugovornog organa (do 16:30 sati), te za Ugovorni organ nije relevantno na koji način su poslani.

Uvidom u knjigu protokola i dostavnicu, konstatovano je da izabrani ponuđač „Samsic“ d.o.o. Sarajevo nije u propisanom roku ispunio obavezu, tj. nije dostavio dokaze kojim potvrđuje činjenice iz Izjava o ispunjavanju uslova iz članova 45. i 47. Zakona o javnim nabavkama.

Članom 72. stav (3) tačka a) Zakona o javnim nabavkama propisano je da Ugovorni organ dostavlja prijedlog ugovora onom ponuđaču čija je ponuda po rang-listi odmah nakon ponude najuspješnijeg ponuđača, u slučaju da najuspješniji ponuđač: a) propusti da dostavi originale ili ovjerene kopije dokumentacije iz čl. 45. i 47. ovog Zakona, ne starije od tri mjeseca od dana dostavljanja ponude ili zahtjeva za učešće, u roku koji odredi ugovorni organ.

S tim u vezi, stavljena je van snage Odluka o dodjeli ugovora ponuđaču čija je ponuda po rang-listi odmah nakon ponude trećeg najuspješnijeg ponuđača (Lot 1), broj: 05-688-8/23 od 15.05.2023. godine, te je ugovor u predmetnom postupku javne nabavke dodjeljen sljedećem ponuđaču sa rang-liste prihvatljivih ponuda.

Temeljem naprijed navedenog, primjenjujući odredbu člana 72. stav (3) Zakona o javnim nabavkama, Ugovorni organ ugovor dodijelio je ugovor sljedećem ponuđaču sa rang-liste i to „Eurosana“ d.o.o. Banja Luka sa ukupnom cijenom u iznosu od 58.210,00 KM bez uračunatog PDV-a.

Trećeplasirani ponuđač u predmetnom postupku nabavke „Eurosana“ d.o.o. Banja Luka u ostavljenom roku nije dostavio dokaze o ispunjavanju uslova iz članova 45. i 47. Zakona kako je zahtijevano tenderskom dokumentacijom, kojom je propisano da dokazi moraju biti fizički dostavljeni na protokol Ugovornog organa najkasnije peti dan po prijemu odluke o izboru, u radnom vremenu Ugovornog organa (do 16:30 sati), te za Ugovorni organ nije relevantno na koji način su poslani.

Uvidom u knjigu protokola i dostavnicu, konstatovano je da izabrani ponuđač „Eurosana“ d.o.o. Banja Luka nije u propisanom roku ispunio obavezu, tj. nije dostavio dokaze kojim potvrđuje činjenice iz Izjava o ispunjavanju uslova iz članova 45. i 47. Zakona o javnim nabavkama.

Također, trećeplasirani ponuđač u predmetnom postupku nabavke „Eurosana“ d.o.o. Banja Luka je na e-mail Ugovornog organa: javne.nabavke@fba.ba dostavio Obavještenje kojim se navodi kako isti nije u mogućnosti prihvatiti ponuđeni Ugovor.

Članom 72. stav (3) tačka a) i c) Zakona o javnim nabavkama propisano je da Ugovorni organ dostavlja prijedlog ugovora onom ponuđaču čija je ponuda po rang-listi odmah nakon ponude najuspješnijeg ponuđača, u slučaju da najuspješniji ponuđač: a) propusti da dostavi originale ili ovjerene kopije dokumentacije iz čl. 45. i 47. ovog Zakona, ne starije od tri mjeseca od dana dostavljanja ponude ili zahtjeva za učešće, u roku koji odredi ugovorni organ, te c) u pisanoj formi odbije dodjelu ugovora.

S tim u vezi, stavljena je van snage Odluka o dodjeli ugovora ponuđaču čija je ponuda po rang-listi odmah nakon ponude trećeg najuspješnijeg ponuđača (Lot 1), broj: 05-688-10/23 od 29.05.2023. godine, te je ugovor u predmetnom postupku javne nabavke dodjeljen sljedećem ponuđaču sa rang-liste prihvatljivih ponuda.

Temeljem naprijed navedenog, primjenjujući odredbu člana 72. stav (3) Zakona o javnim nabavkama, Ugovorni organ ugovor dodjelio je ugovor sljedećem ponuđaču sa rang-liste i to „Eurosana“ d.o.o. Mostar sa ukupnom cijenom u iznosu od 75.000,00 KM bez uračunatog PDV-a.

Uvažavajući sve navedeno, odlučeno je kao u dispozitivu.


DIREKTOR
Jasmin Mahmužić

Dostaviti:

1. Ponuđačima u postupku;
2. a.a.

Handwritten signature in blue ink on the left margin.